Book no:02

Kisey Banaye.?

Writer:

Muhammad Hassaan Raza Rayeeni

Roman Translation:

Abdul Nabi Alimi

Published by:

Tehreek Nizam e Mustafa



www.nizamemustafa.in

DOST

KISEY BANAYEN?

Roman Urdu

Author:

Muhammad Hassaan Raza Rayeeni

Roman Translation:

Abdul Nabi Aleemi

Published by:

Tehreek Nizam e Mustafa طلقياتهم

https://www.nizamemustafa.in/

ALL RIGHTS RESERVED

No part of publication may be produced, stored in a retrieval system or transmitted in any form or by any means, electronic or mechanical, photocopying or otherwise without the prior permission of the **COPYRIGHT** owner.

Book Name: Dost Kisey Banayen?

Language: Roman Urdu

Author: Muhammad Hassaan Raza Rayeeni

Roman Translation: Abdul Nabi Aleemi

Hijri Date: 13 Jamadi ul Awwal

English Date: 19 December 2021 [Sunday]

Publisher: Tehreek Nizam e Mustafa (India) or TNM Official

Any Query, contact us: 9675801762 & 9720315389

Read another books, visit: https://www.nizamemustafa.in/

Also follow us on: Facebook | Instagram | Youtube | Twitter

About Us:

All Praise is to Allah the Exalted! The revolutionary organization of Ahlus Sunnah wal Jama'ah "Tahreek Nizam e Mustafa" is constantly working for propagating the message of Ahlus Sunnah. And every work which it does is in the light of thoughts and views of Imam Ahmad Raza. It is an organization comprising of students from schools and colleges as well as seminaries (Madaris). The main aim of our organization is to preserve the beliefs of Ahlus Sunnah and the eradication of various ill practices in the society and regarding the same time and again various articles are published by us and along with it religious gatherings are organized. It is supplication to Allah the Exalted that he through the mediation of his Prophet (peace and blessings be upon him) blesses the members of this organization with true love of Islam and keeps them firm on the creed of Ahlus Sunnah wal Jama'ah and gives them success in their goals. Ameen.

TNM OFFICIAL

Kalimaat e Hasan

Maulana Muhammad Javed Raza Sahib

Mudarris Jamiatul Madina Jammu

Aaj Is Purfitan Daur Mein Musalman Fikr e Aakhirat ki Kami Ke Baais Dunyavi Mafad Ki Khatir Kisi Se Bhi Dosti Kar Lete Hain Aur Bahut Baar Apne Hamnasheeno'n Ki Wajah Se Akhlaaq e Razila(Buri Aadatein) Ikhtiyaar Kar Lete Hain Aur Kuch Jagah Dekhne Mein Aaya Hai Ki Apne Aqaid Hi Bigaad Lete Hain. Alamaan Wal-hafeez Aise Doston Se!

Janab Hassaan Sallamahu Ka Mazmoom Nihayat Hi Umdah Hai. Dosti Kisse Ki Jaye Isme Kaafi Muaawin(Madadgar) Sabit Hoga.

Allah Qubool Farmaye.



Taqreez

Moulana Tauheed Ahmad Khan Razvi Sahib

Mudarris Jamia Tehseeniya Ziaul Uloom Bareilly Shareef

صحبت صالح ترا صالح كند

Sohbat Insaan Par Asar Andaaz Hoti Hai. Achi Sohbat Ke Zariye Insaan Acha Banta Hai Aur Buri Sohbat Ke Nataaij Insaan Ko Buraai Ki Taraf Maail Karne Ki Soorat Mein Zahir Hote Hain. Hadees-E-Paak Ka Mafhoom Hai, Ki Insaan Apne Dost Ke Deen Par Hota Hai. Is Hadees Se Bhi Hamein Ye Dars Milta Hai Ki Insaan Ko Dost Banate Waqt Bahut Ehtiyaat Aur Samajhdaari Se Kaam Lena Chahiye Aur Dost Banate Waqt Deendaari Par Tawajjoh Dena Chahiye. Deendaari Ko Hi Dost Banaayein Jis Ki Dosti Us Shakhs Ko Bhi Deendaari Ki Taraf Maail Kare.

Maulvi Hassaan Raza Ka Ye Mazmoom "**Dost Kise Banaayen**?" MashaAllah Bahut Khoob Hai. Is Mazmoom Mein Moulana Mausoof Ne Ahadees Aur Buzurgaan-e-Deen Ke Aqwaal Ki Roshni Mein Ye Waazeh Kiya Hai Ki Dost Kise Banaya Jaye. Allah Ta'aala Ki Baargaah Mein Dua Hai Ki Maulana Mausoof Ke Ilm-o-Amal Mein Barkate Ata Farmaye. Aameen.



Peshe Lafz

نحمده ونصلى على رسوله الكريمر

بسمر الله الرحلن الرحيم

Insaan Ki Zindagi Mein Dost Ki Bahut Ahmiyat Hoti Hai Sachcha Dost Wahi Hota Hai Jo Insaan Ko Achchayi Ki Taraf Maail Karta Hai Aur Buraaiyon Se Bachane Ki Koshish Karta Hai. Wo Kabhi Bhi Nahi Chahta Ki Uska Dost Gumraah Ho Jaye Aur Zulmat Ki Ghaatiyon Mein Bhatakta Phire. Wo Kabhi Bhi Nahi Chahta Ki Uska Dost Islami Aqaid Se Rugardaani Kare (Muh Phere). Agar Kuch Lamhaat Aise Aate Bhi Hain Jis Mein Uska Dost Dusro Ki Sohbat Mein Baith Kar Galat Rasta Ikhtiyaar Kar Leta Hai To Wo Apne Dost Ki Islaah Karne Ki Koshish Karta Hai.

Wahi'n Dusri Taraf Ek Bura Dost Jo Insaan Ko Gumrahiyon Ke Daldal Mein Phansa Kar Uske Iman Ko Barbaad Kar Deta Hai. Buri Dosti Ke Asraat Yaha Tak Murattab Hote Hain Ki Insaan Buri Buri Aadaton Mein Pad Kar Duniyavi Zindagi To Barbaad Karta Hi Hai, Sath-Sath Aakhirat Bhi Barbaad Kar Leta Hai.

Maujuda Zamane Mein Jo Gumraahi Phail Rahi Hai Wahabi, Deobandi, Ahle Hadees, Maududi Aur Tamaam Firqahaye Batila Ke Jaraseem Samaaj Mein Phail Rahe Hain, Uske Phailne Ki Asal Wajah Ek Ye Bhi Hai Ki Ek Sunni Shakhs Bagair Soche Samjhe Duniyavi Mafaad Ki Khatir Kisi Gumraah Shakhs Se Dosti Kar Leta Hai To Wo Gumraah Shakhs Rafta-Rafta Apne Nazariyaat Ko Sunni Shakhs Ke Dil Mein Daal Deta Hai Aakhir Kaar Wo Sunni Bhi Apne



Aqaid-e-Sahiha Na Janne Ki Bina Par Uski Baaton Ko Sahi Samajh Kar Us Par Iman Le Aata Hai Aur Barbaad Ho Jata Hai.

Is Tarah Ke Waqiyaat Colleges Aur Universities Mein Zyada Dekhne Mein Aate Hain Kyun-Ki Waha Dosti Ke Naam Par Aisi Waardaat Hoti Rahti Hain Is Liye Har Insaan Ke Liye Zaruri Hai Ki (Kisi Bhi Shakhs Ko) Dost Banane Se Pahle Usey Quran-O-Hadees Aur Shariyat-e-Islami Ki Raushni Mein Parkhe, Phir Usse Dosti Ke Liye Haath Aage Badhaye To Ye Uske Liye Behtar Hoga.

Is Maqale Mein Ham Allah Ta'ala Ki Taufeeq Se Dosti Ki Haqiqat Aur Uske Usool Ko Bayan Karenge Jo Quran-O-Hadees Aur Buzurgaan-E-Deen Ki Taleemaat Se Maakhooz Kiye Gaye Hain.

Allah Taala Is Magale Ko Qubooliyat Ata Farmaye.

آمين ثمر آمين بجاه النبى الكريم صلى الله عليه وسلم

Muhammad Hassaan Raza Rayeeni



Dosti Ki Haqiqat Quran e Majeed Ki Roshni Mein

Hamari Dosti Ka Pahla Maqsad Deen-E-Islam Yaani Ahle Sunnat Wa Jama'at Ka Forogh Karna Aur Har Lamha Deen-E-Islam Ke Tahaffuz Ke Liye Ghamzan Rahna Hona Chahiye. Aur Dusra Maqsad Apni Zindagi Ko Shariyat-E-Islami Ke Saanche Mein Dhaal Kar Apne Dosto Ko Bhi Aamale Swaleha(Nek Kamo'n) Ki Targheeb Dena Hona Chahiye. Kyun Ki Qayamat Ke Din Bhi Wahi Dosti Kaam Degi Jo 2 Muttaqion(Nek Logo) Ke Darmiyaan Ho. Agar Ham Badd Kirdaar Gumraah Logo Ke Sath Mil Kar Koi Bhi Kaar-E-Khair (Bhalayi Ka Kaam) Karenge (Hala'n-ki Hamari Niyat Durust Ho) To Aise Logo Ke Sath Mil Kar Kaam Karne Se Bajaye Nafa'a Ke Nuqsaan Ke Imkanaat Zyada Honge Aisi Dosti Qayamat Ke Din Bajaye Sawab Ke Jaan Ka Wabaal Ban Jaayegi.

Isi Ko Allah Ta'ala Ne Quran-e-Majeed Mein Irshad Farmaya:

Tarjuma : Gahre Dost Us Din Ek Dusre Ke Dushman Honge Magar Parhezgaar

(Sureh Zukhruf: 67)

Aksar Mufassireen-E-Kiraam Ne Is Aayat Ki Tafseer Mein **Hazrat Ali** Razi Allahu Anhu Ka Ye Qaul Naqal Kiya Hai.

خليلان مؤمنان وخليلان كافران فمات أحد المؤمنين فقال يارب ان فلانا كان يأمرني بطاعتك وطاعة رسولك ويأمرني بالخدر وينهاني عن الشر ورخبرني أني ملاقيك يارب فلا تضله بعدى واهده



كما هديتنى وأكرمه كما أكر متنى فأذا مأت خليله المؤمن جمع بينهما فيقول ليثن أحد كما على صاحبه فيقول نعم الأخ ونعم الخليل ونعم الصاحب قال ويموت أحد الكافرين فيقول يارب ان فلانا كان ينهانى عن طاعتك وطاعة رسولك ويأمرنى بالشر وينهانى عن الخير ويخبرنى أنى غير ملاقيك فيقول بئس الأخ وبئس الخليل وبئس الصاحب.

[تفسير المضهري، الجزء الثامن، ص298]

[تفسير القرطبي، الجزء التاسع عشر، ص76]

[تفسير الدر المنثور ، الجزء الثالث عشر ، ص228/228]

[تفسير ابن كثير، الجزء السابع، ص238]

"Hazrat Ali Razi Allahu Anhu Ne Farmaya: Do Dost Momin Aur Do Dost Kafir Hote Hain. (Momin Dosto Me Se) Ek Momin Mar Jata Hai Wo Arz Karta Hai Aey Rab Mere: Fulaa'n Shakhs Mujhe Teri Aur Tere Rasool Ki Itaa'at Karne Ka Mashwara Deta Tha Mujhe Nek Kaam Karne Ka Hukm Deta Tha Aur Bure Kaam Se Rokta Tha Wo Mujhse Kehta Tha Ki Ek Din Mujhe Tere Samne Aana Padega Aey Mere Rab: Mere Baad Usey Gumraah Na Kar Dena Aur Jaise Tu Ne Mujhe Raah-E-Raast Par Chalne Ki Taufeeq Di Aise Hi Usko Bhi Hidayat Par Qaaim Rakhna Aur Jis Tarah Tu Ne Meri Izzat Afzaayi Ki isi Tarah Uski Bhi Izzat Afzaayi Karna Jab Uska Dost Mar Jata Hai To Allah Dono Ko Yakja Kar Ke Farmata Hai Tum Dono Ek Dusre Ki Taareef Karo Chuna-che Har Ek Dusre Ke Muta'alliq Kehta Hai Ye Achha Bhai Hai, Achha Dost Hai, Achha Saathi Hai.

Aur Jab Dono Kafir Doston Mein Se Ek Mar Jata Hai To Wo Arz Karta Hai Mere Rab Fula'n Shakhs Mujhe Teri Aur Tere Rasool ﷺ Ki Itaa'at Se Mana Karta Tha Bure Kaam Karne Ka Mashwara Deta Tha Aur Achhe Kaam Se Rokta Tha Aur Mujhse



Kahta Tha Mujhe Tere Pass Aana Nahi Hai Wo Bura Dost Bura Bhai Bura Sathi Hai.

Imam Qurtubi Ne Is Aayat Ke Bare Mein Farmaya:

(تفسير قرطبي الجزء التاسع عشر، ص76)

Ye Aayat Har Momin, Muttagi, Kafir Aur Gumraah Ke Baare Mein Aam Hai.

Is Tafseel Se Waazeh Ho Gaya Ki Agar Tum Ne Kisi Gumraah Shakhs Se Dosti Rakhi Aur Uski Sohbat Ikhtiyaar Ki To Tumhara Wahi Anjaam e Badd Hoga Jo Uska Hone Wala Hai Phir Ye Dosti Bhi Tumhein Jahannam Ka Eindhan Banne Se Nahi Rok Payegi. Isiliye Zaruri Hai Ki Dosti Karne Se Pahle Dekhein Ki Samne Wala Shakhs Kis Ageede Par Hai. Agar Wo Ahle Sunnat Wa Jama'at Ke Ageede Par Mazbooti Se Qaaim Hai To Usse Dosti Karna Achha Hai Or Agar Aisa Nahi Hai To Ye Dosti Tumhare Imaan Ke Liye Muzir (Nugsandeh) Sabit Hogi.

Dosti Ke Talluq Se Ek Hadees e Paak

Huzur e Akram # Ne Irshad Farmaya :

(جامع ترمذي، كتأب الزبدعن, سول الله صلى الله عليه وسلم 2378)



"Aadmi Apne Dost Ke Deen (Yaani Tariqa) Par Hota Hai. Is Liye Har Shakhs Ko Chahiye Ki Wo Is Baat Ka Jaaiza Le Ki Uska Dost Kaun Hai? "

Isi Hadees Ki Tashreeh Karte Hue **Allama Muhammad Yaseen Qusuri Naqshbandi** Likhte Hain:

Ek Dost Dusre Dost Ke Aqaid-O-Afkaar Se Zarur Mutassir Hota Hai Dost Acha Ho To Ye Bhi Aala Akhlaaq Ka Maalik Hoga Aur Agar Dost Badd Akhlaq Hoga To Ye Bhi Badd-Zubaan, Badd-Akhlaaq Hoga.

Arbi Ka Mashhoor Maqula Hai:

Kisi Shakhs Se Baraah e Raast(Direct) Na Pucho Balki Uske Ahwaal Uske Saathiyon Se Daryaft Karo. Yaani Uska Saathi Husne Akhlaaq Ka Paikar, Deendaar, Namazi, Sahib e Taqwa Aur Sadiq-o-Ameen Hoga To Ye Bhi Un Sifaat Ka Jaame'y Hoga, Warna Nahi. Hadees Mein Bhi Yahi Haqiqat Bayaan Ki Gayi.

Allama Mufti Ahmad Yaar Khan Naeemi Rahmatullah Alaih Is Hadees Paak Ki Tashreeh Karte Hue Farmate Hain:

"Deen Se Muraad Ya To Millat o Mazhab Hai Ya Seerat o Akhlaaq. Dusre Mayene Zyada Zahir Hain. Yaani Umuman Insan Apne Dost Ki Seerat-o-Akhlaq Ikhtiyaar Kar Leta Hai. Kabhi Uska Mazhab Bhi Ikhtiyar Kar Leta Hai. Lihaza Achcho Se Dosti Rakho Taaki Tum Bhi Achche Ban Jao. Sufiya Farmate Hain:



Na Sath Raho Magar Allah, Rasool Ki Farmabardari Karne Walon Ke, Na Dosti Karo Magar Muttaqi Se (Yani Allah, Rasool Ke Farmabardar Ki Sohbat Ikhtiyaar Karo Aur Mutaaqi Logo Se Dosti Karo") Yaani Kisi Se Dostana Karne Se Pahle Use Janch Lo Ki Allah Rasool Ka Mutee(Farmabardar) Hai Ya Nahi, Rab Ta'ala Farmata Hai

Sufiya Farmate Hain Ki Insani Tabiyat Mein "غذا" Yaani Le Leni Ki Khaasiyat Se, Harees(Lalach) Ki Sohbat Se Hirs(Lalach), Zahid Ki Sohbat Se Zuhdo Taqwa Milega, Khayal Rahe Ki Khullat Dili Dosti Ko Kahte Hain Jis Se Mohabbat Dil Mein Daakhil Ho Jave. Ye Zikr Dosti-o-Muhabbat Ka Hai, Kisi Fasiq Aur Fajir Ko Apne Paas Bitha Kar Muttaqi Bana Dena Tableeg Hai. Huzoor Anwar ® Ne Gunahgaron Ko Apne Paas Bula Kar Muttaqiyon Ka Sardaar Bana Diya".

Is Hadees e Paak Ka Zikr Farmate Hue **Hazrat Daata Ganj Bakhsh** Rahamatullah Alaih Likhte Hain:

"اگر صحبت بانیکان دارد وی گرچه بداست نیک است؛ از آنچه آن صحبت اور انیک گرداند و اگر صحبت با بدان داردوی گرچه نیک است بداست؛ از آنچه در ایشان است و را رضاست چون به بدر راضی باشد اگرچه وی نیک بد گردد"



Agar Uski Sohbat Neko Ke Sath Hai Agar-Che Wo Khud Nek Na Ho To Wo Sohbat Nek Hai Isiliye Ki Nek Ki Sohbat Usey Nek Bana Degi. Aur Agar Sohbat Buro Ke sath hai Agar-Che Wo nek hai to bura hai Kyunki wo uski buraaiyon par razi hai Aur jo Buraaiyon par razi ho Agar-Che Wo nek ho Bahre haal wo bura hai.

Hadees e paak mein sarahat kar di gayi ki Har shakhs ko chahiye ki wo is baat ka jaaiza le ki uska dost koun Hai ? Kya wo ahle sunnat wa jamaat ke aqeede par hai? Kya uska kirdaar achha Hai ? Kya wo Allah ke ahkam ki pabandi karta hai ? Kya wo gunaahon se baaz rahta hai? Ye tamaam umoor uske andar dekhna lazimi honge tab jaa kar dosti ki jayegi. Lekin maujuda daur mein aksar log dosti mein in sab cheezon ka aitebaar nahi karte balki apne duniyavi fayede dekhte hain agar us dosti se aarzi taur par fayeda ho bhi jaye lekin ye aakhirat mein kuch kaam na aayegi aur waha hamari jaan ka wabal ban jayegi is liye zaruri hai ki dosti sunni sahihul aqida insan se hi se karein.

Buzurgaan-E-Deen Ke Aqwaal:

1.**Hazrat Maalik bin Deenaar** razi allahu Anhu ne apne damaad Mugirah bin shoba razi allahu Anhu se farmaya:

Aye Mugirah jis bhai ya sathi ki Rifaqat(Dosti) tumhein deeni faida na Pahunchaye tum is jahaan mein uski Sohbat se bacho takii tum mahfooz raho.

2. Hazrat Yahya bin Ma'az razi Allahu Anhu Farmate Hain:



بئس الصديق تحتاج أن تقول له أذكرنى في دعائك، وبئس الصديق تحتاج أن تعيش معه بالمدارة وبئس الصديق صديق يلحيك الى الاعتذار في زلت كانت منك

Wo dost bahut bura hai jisko dua karne ki nasihat karni pade. (Kyunki ek lamhe ki Sohbat ka haq ye hai ki usey hamesha dua e khair mein yaad rakha jaye). Aur Wo dost bahut bura hai jiski Sohbat khatir tawazoh ki mohtaj ho

(كشف المحجوب، صفحه 461/460)

3. **Shah Abdul Azeez** Rahamatullah Alaih ne apni Tafseer "**Fathul Azeez**" Mein Allah ta'ala ke is farmaan " لَوْ تُكُرُهِنُ فَيُكُرُهِنُونَ ke taalluq se **Sahal bin Abdullah tastari** Rahmatullah Alaih ka Qaul naqal kiya hai Farmate Hain:

در حقائق التنزيل من كور است كه سهل بن عبدالله تسترى فرموده ند

من صحح أيهانه و اخلص توحيده فأنه لا يأنس الى مبتده ولا يجالسه والا يؤاكله ولا يشاربه ولا يحاسبه ويظهر من نفسه العداوة والبغضاء ومن داهن مبتد عاسلبه الله حلاوة السنن

یعنی مرد صحیح الایمان را باب عتیان تعلق انس نگیرد و هم در مجلس ایشان و هم کاسه و هم نواله بایشان نشید - بر که باب عریان ان و دوستی پیدا کند نور ایمان و حلاوت آن از و مے برگیرند -

Haqaiq-ut-tanzeel mein hai ki mard sahihul iman aur momin e khaalis ke liye lazim hai ki Gumraho, badd aqido'n se uns(Muhabbat) na pakde aur na unke sath majlis kare aur na mel-jol rakhe aur na unke hamraah khaye piye, aur uski zaat mein se Gumraho ke sath nafrat aur adawat ka izhar ho jo shakhs badd



aqida logo se dosti or pyar karta hai usse noor e imaan salab(Khatm) ho jata hai.

4. **Allama Jalaluddin Rumi** Rahmatullah Alaih Sohbat Ke Taalluq Se **Masnawi Shareef** mein Farmate Hain:

Thodi si der Auliya ki ham nashini (Sohbat) 100 sala be-riya ibadat se behtar hai

Agar Tu sange khara ya sange marmar ho, jab sahibe dil ke pass pahunchega to moti ban jayega

Nek ki Sohbat tujhe nek banayegi, badd-Bakht ki Sohbat tujhe badd-Bakht banayegi.

Dost kise banayen??

Ae Mere Pyare Bhai! Aap ko ye waazeh ho gya hoga ki ek ache dost aur bure dost mein kya farq hota hai? Aur hamko kise apna dost banana chahiye? Hamne Quran-O-Hadees aur Buzurgaan-E-Deen ke Aqwaal ki roshni mein farq waazeh kar diya hai. Khulasa e kalaam ye hai ki acha dost wahi hai jo khud bhi siraate mustaqeem



par ho aur dusro ko bhi siraate mustageem par chalaney ki koshish kare. Jo khud bhi haraam kamo'n se bachta ho aur dusro ko bhi haraam kamo'n se bachaane ki koshish karta ho. Jo khud bhi Allah ta'ala aur uske Rasool ke mahboob bando se mohabbat karta ho aur dusro ko bhi un Zawaate muqaddasa se mohabbat karne ka dars deta ho. Jo khud bhi Allah aur Rasool مُنْهُونِينَا ke dushmano se nafrat karta ho aur dusro ko nafrat karne ki talgeen karta ho. Aur bura dost wo hai jis ka khulaasa in asha'ar mein hai.

> دور شواز اختلاط بأريب یاد بی بی تر بوداز مار بی ما، بەتنھابىيىبر جان:نە بار بدیر جان ویر ایمان زند

Bure dost ki Sohbat se door bhago kyun ki bura dost bure sanp se bhi khatarnaak aur Jaan leva hai. Kyunki sanp ke dase huye ko sirf jaan ka khatra hai aur bure dost ki Sohbat se jaan ke sath imaan ka bhi khatra hai.

Buri Sohbat ki misal aisi hai jaise paak saaf doodh mein do gatre peshab ke gir jayen to doodh paleed ho jata hai aur wo doodh peene ke qabil nahi rahta hai, isi tarah bure dost ki Sohbat se nek insan bhi bura ho jata hai. Is liye zaruri hai ki apni zindagi ko achche dosto se muzayyan karein jo tumhein duniya me bhi



kaamyaab karein. Aur aakhirat mein bhi Apne sath jannat mein le jaye'n.

Aakhir mein **Aalahazrat** Rahmatullah Alaih ki Wasiyyat ko pesh karna chaahunga jo Aapne ummat ki Rahnumayi ke liye farmayi thi.

Aap farmate Hain "Tum Mustafa **ki bholi bhedhe'n ho, bhediye'n tumhare** charo taraf Hain. Ye Chahte Hain tumhein bahka de tumhein fitne mein daal den. Tumhein apne sath jahannam mein le jayen, un se bacho or door bhago.

Deobandi hue, Rafzi hue, Nechri hue, Qaadiyani hue, Chakralvi hue, garz kitne hi firqe hue Or sab se naye gandhivi hue jinhone in sab ko apne andar le liya. Ye sab bhediye'n Hain tumhare iman ke taak mein Hain unke hamlo se apna iman hachan

Huzoor Allah ke noor Hain. Huzoor se Sahaba roshan hue aur unse Tabeyeen roshan hue, Tabeyeen se tabye-Tabeyeen roshan hue, unse Aimma e Mujtahideen roshan hue, unse ham roshan hue ab ham tumse kahte Hain ye noor ham se lo. tumhe iski zarurat hai jo ke tum ham se roshan ho. Wo noor ye hai ki Allah aur Rasool ki sachi mohabbat unki taazeem Or unke dosto ki khidmat aur unki takreem aur Unke dushmano se sachi adaawat, Jisse Allah, Rasool ki shaan Mein adna Tauheen Pao phir wo tumhara kaisa hi pyara kyun na ho fauran usse juda ho jao. jis ko baargaah e Risalat mein zara bhi gustakh dekho phir wo tumhara kaisa hi buzurg moazzam kyun na ho apne andar se use doodh se makkhi ki tarah nikal kar phenk do.

(وصاباشريف، صفحه 4)



Is Wasiyat par aap hazraat amal karein. Aur mazhab e muhazzab ahle sunnat wa jama'at par qaaim o daaim rahein

Allah se dua hai ki hamein badd-Aqeeda logon ki Sohbat se bachaye Or iman par qaaim rakhe.

Aameen Summa Aameen



All Praise is to Allah the Exalted! The revolutionary organization of Ahlus Sunnah wal Jama'ah "Tahreek Nizam e Mustafa" is constantly working for propagating the message of Ahlus Sunnah. And every work which it does is in the light of thoughts and views of Imam Ahmad Raza. It is an organization comprising of students from schools and colleges as well as seminaries (Madaris). The main aim of our organization is to preserve the beliefs of Ahlus Sunnah and the eradication of various ill practices in the society and regarding the same time and again various articles are published by us and along with it religious gatherings are organized. It is supplication to Allah the Exalted that he through the mediation of his Prophet (peace and blessings be upon him) blesses the members of this organization with true love of Islam and keeps them firm on the creed of Ahlus Sunnah wal Jama'ah and gives them success in their goals. Ameen.



Published by:

Tehreek Nizam e Mustafa

